

四庫全書

集部

欽定四庫全書

集部

鐵崖古樂府卷六至十

詳校官中書臣孫衡

中書臣劉源溥覆勘

總校官進士臣朱鈐

校對官中書臣高中

謄錄監生臣單可紀

欽定四庫全書

鐵崖古樂府卷六目錄

金溪孝女歌

楊佛子行

金處士謠

彭義士歌

盧孤女

孔節婦

陳孝童

強氏母

并引

蔡君俊五世家慶圖詩

鐵面郎

并引

奉使謠

春草軒辭

并引

登壽堂詞

傳道人歌

并引

留肅子歌

洪州矮張謠

并引

秀州相士歌

并引

禽演贈丁道人

冶師行

父師行贈黃中子

醫師行贈袁煉師

芝秀軒詞

四章

壽岩老人歌

已上凡二十有六首皆謠詠一時忠臣烈士

貞女孝童仁人隱士之遺事於太史氏之所

未錄者蓋可為一代之詩史矣其激揚世教
豈小補哉復識

欽定四庫全書

鐵崖古樂府卷六

元 楊維禎 撰

金溪孝女歌

唐敬宗時撫之金溪有金銀場銀戶葛佑者輸
銀不足監官黃慄撈佑垂死佑二女投銀冶中
化銀二錠事聞遂罷銀場金溪為二女立廟至
今血食危太樸有卷求余詩為賦孝女歌云

金溪石生銀鑿石石有盡銀令無時磷昨夜銀官下

叶山頭點銀戶葛家父無丁惟二女葛家父楚苦苦楚與

死隣二女痛父關一身駢首跳冶裂焰閨

叶音

裂焰焚身不

焚二女心天慘慘神森森化作雙白金雙白金盛龍錦願

作萬壽卮以奉天子飲一飲銀鬼泣再飲銀令寢

月一作二女

揚佛子行

揚佛子越之諸暨人

生宋淳熙光宗朝

幼知事母母病危

佛子割股肉進母母食病立愈母歿廬墓側恒有

馴烏集墓樹隨佛子往返佛子素患癭癭大如蝨

道逢異人以掌訣移之背郡縣上孝感狀將表
其間佛子辭遂止年九十歲安陽韓性既為佛
子作傳同里陳敢復作楊佛子行

諸暨縣北楓橋溪楓橋溪水上接顏烏栖其下一百
二十里合萬和水萬和孝子廬父墓墓上芝生萸楊
生佛子與萬和孝子齊六歲懷母果二十為母嘗百
藥藥弗醫叶啖母以肉將身刲母病食肉起其神若
刀圭母死返九土常作嬰兒啼倚廬宿苦塊棄隔妾

與妻嗟哉佛子孝行絕人人不識感鬼神頰下生瘤
大如尊何人齧手瘤上捫明朝恠事駭妻子頰下削
贅無瘤痕背上一掌印爭來看奇痕墳頭木共白兔
馴更遣迎送烏成羣傍人竹弓不敢彈豈比八九雛生
秦縣官上申聞旌戶復其身佛子走告免稱主臣主
臣嗟哉佛子誰姬稱今之人有刃股乳詭孝子以為
名規免徭征以希其旌嗟哉佛子誰姬稱

無瘤痕一作無留根

金處士謠

吳人金可文賢智有才藝而自埋於民衆嘖然
以處士稱之權貴人以丘園科起處士處士絕
之曰予幸有廬一區在市闕可以避風雨田一
廛在郭外可以給衣食學聖人之道可以自樂
不願仕也且仕榮利祿隱樂真素苟以相易彼
此兩乖乖而強合吾不能已吁處士如可文信
其逸而貞者歟故集賢舊老相與署牒錫號曰
貞逸會稽楊維禎為之賦詩曰

蘇州古隱君實始虞仲隱居放言中乎清與權次曰澹
臺氏言不枝行不逕未嘗匄走諸侯前五噫之夫將其
匹聯耕織為業不廢誦與絃亦有天隨仙配鵠夷子理
釣船去之五百年求繼者孰賢闔閭古城陰曰有處士
氏曰金長身而美髯叶風局孤古古貌疎且沈家不失
箴里不失任有餘推與人矧肯爵祿入心心關下足終
南叶貧賤易屈貴富易淫故大隱在闕市不在壑與林
鳳皇不能引高神龍不能深音深人呼為處士更加貞

與逸號焉知古不如來今吾嗟今之士科隱丘復事王
侯行無補闕言無裨謀惟祿食是媒叶詭貞而隱詭逸
而休以為吾人憂放而返澗恚岳隴羞聞處士風其不
泚然在額豈吾人儔

彭義士謌

義士元履
時江人

八十長者新城彭一生好義不好名天厯飢告江南氓
官家鬻爵令新行嗟哉我彭粟有盈內粟不與官爵爭
豈惟內粟爵不爭民有乏逋我代庾乏力我又代民耕

民流過門給炊烹吁嗟爾民曷報彭期以八百之長生

盧孤女

盧孤女年十五官家新條括童女東家媒娘傳巧語盧家郎選東牀奈郎自有婦妾使余不當蚤知急婚事如此悔不官家作驅使上堂拜姑舅未知下堂失身惟有死歸來抱琴彈高樓苦調不作離鸞愁東家聘西家求明珠火貝爭委投河可乾石可泐盧家女節不可勒生作隻影蛾死作獨根柏烏乎丈夫腐節隨草莽阿盧之

風齊砥柱若道錢唐女淫苦安得有此廬家女

孔節婦

有美丈夫子玉質長鬢鬚自言五十五代孔子之孫孺
其母曰陶大家大家生兒六月餘丈夫子即稱孤零丁
未保麒麟雛大家一節誓不渝身有死不二夫與孤為
命相噫嗚保抱不啻琉璃珠但願孤長壽豎我門戶扶
我輿天助孔胤孤無虞五歲解讀書十歲能當閭二十
作賦喧三吳竭來大家八十踰孤三釜心何如紫微相

君新下車上推先聖恩及孥薦書上達天王都承恩歸
來拜起居堂上鶴髮霜顏都烹羊擊鮮婦當厨里中姆
謹相呼孔家生兒天與渠康之阜曲阜俱康之水流泗
洙曰貞曰孝表一廬楊子作詩譌不誣他日太史春秋書

陳孝童

孝童名福越之錢清人年十歲侍母葉病衣不解
帶母病甚水漿粒食不進口中夜潛出後庭泣于
天曰我母病將死吾何依剗股代藥天其從我乎

股剗而母已死人謂剗股多救母童不能不亦妄
譽乎予謂童知愛親天之無偽者也剗股救母而
知有其親而不知有其身也又豈知有名哉李世
奸民有刃股乳規免賦徭者若童又豈有賦徭而
為是哉剗股童之天也母之救不救亦天也予居
與童鄰親覩其事可以弘獎風教遂為賦詩

錢清陳孝童十歲知孝母母病日以革藥餌空咬咀夜
庭人不知磨刀去剔股凡兒血肉軀軀小痛復提孰識

身在親慘毒至刀斧隣里聞孝童涕泗下如雨道路聞
孝童過車式其戶堂堂士大夫結髮在庠序母背忍絕
裾母喪亡捧土我作孝童詩豈惟風童孺

强氏母

毘陵强可事母以孝聞母年踰八袞可方以鄉
校官調轉湖州從事感事母之日短遂以侍親
致事得陞承事郎浙東帥府從事由是併得封
母夫人縣君今年至正戊子十一月二十三日

長至適為夫人初度日也母子恩命皆以是日
至故為賦燕喜詩一首俾令官歌之

强氏母毘陵人年已八十又一春强家郎未七旬五十
入官教邑民六十轉官在鄰郡大府婉畫方咨詢守將
急移檄候吏持在門强家郎捧檄告母母欣欣一笑還
一嚔庭前大樹風不停孝子惜陰寸寸勤强家郎養母
素不貪食有祝鯁寢有五色裯其肯貪天之祿一日離
其親年未及致事辭檄奉晨暉中書重爾天性真馳文

箋天天不嗔賜爾孝子七品秩緋衣始納青絲綸強氏
母隨牒封邑君一陽復為生辰邑官里老走僦先上堂
與母十百壽烹羊炮豕羅鮭珍強家母抱牒謝天恩強
家郎百拜百舞稱霑尊日日起居太夫人項間壽帶日
見雙條文眼前離立五世之兒孫強家母壽無匹榮無

倫

兒孫一作諸孫

蔡君俊五世家慶圖詩

蔡家肉譜絲司徒西蜀蔓衍雲間居胡笳一洗怨女孤

世世解讀中郎書傳家五葉忠孝俱鬱葱佳氣無時無
有母有母徐卿徐生兒衮衮麒麟駒槍岩

君俊父

老仙老

不枯巖前雙桂雲敷腴繡輿從以斑斕裾或拜或立或
步趨登堂好弄如羣魚中有一人美且都柏垣成陰返
慈烏平反一笑堂上娛春衫初試如舞雩樵青漁童侍
兩隅坐中有客皆鴻儒晴簾花吹引香篆午窻竹雨鳴
茶爐不知人間有金屋弱海之外為蓬壺只今諸孫稅
綈襦文采箇箇成於菟王階清夢追爾祖種德政與槐

陰符太夫人在錫冠帔曾玄滿眼紆青朱紆青朱賸買

丹青添畫圖

內譜或作內譜
稅裯或作脫裯

鐵面郎美趙御史也

鐵面郎不願白玉堂願着錦衣裳上明天耳目下見人
肝腸江南使者欺天隱黃金車馱實虛牝忽焉青天近
天目峰前見秋隼父老出郭門焚香拜使君使君天上
斗斟酌元氣成冬春成冬春立皇紀董狐已修三國史
柱下惠文須出理江南驗行且止萬一讒邪塞天耳手

持堯時屈軼枝獨立殿前言國是鐵面郎真御史

奉使譏美達爾瑪氏也

至正乙酉天子遣天下奉使凡十二道三十有
六人輝和爾氏達爾瑪在選中巡察西川司臬吏
舞法首擊治之方面貴臣有驕而弗諛者亦糺
詰之時政梗民必思痛豁去如鯁在咽必吐乃
已彼不達爾瑪如者如工尹商陽之兵殺三人以
為不如是不足以反命事不幸類此而況生殺

者皆不當法乎此西川使者之可謂也

皇帝五年秋皇華遣使行九州皇明明見萬里外猶恐
陰瞋生蜉蝣奉使代天明四目達九幽假天喜怒私恩
讐欺皇明是非一逆海倒流其中答理子西邊托週遊
西邊有鳥其名曰休留復有老狐九尾而九頭扇妖作
恠呼匹儔朕我赤子血上敵十二旒力大泰山不可拔
答理子一觸泰山拆之如不周烏乎漢有張綱衛有史
鮪元達爾瑪足追前猷太史筆不貶褒我作歌詩繼春

秋

春草軒辭

毘陵華孝子幼武六歲而孤善事其母以純孝
聞嘗自取孟郊游子詞名其所居軒曰春草子
為體游子意賦春草詞

春暉庭下春雲暖春草軒前草長短中有百歲宜男花
一色青蚨綴枝滿青蚨子母生死恩草有靈芝生孝門
春暉照人春不老芝草闌干芝有孫當時夢生芝草綠

瑤草琅玕栖別鵠孤兒日長草忘憂錦裯護兒如護玉
春菲菲草油油千金駿馬五花裘吁嗟兒今母好遊銅
駝陌上春風愁草萋萋春果果遊子歸來在遠道堂前
何以報春暉身上春袍照春草

瑤草一作瑤圖

萱壽堂詞

為海漕府經歷孫仲遠作

孫家高堂風日好堂前祗樹宜男草孫家阿婆昔宜家
今日宜男復宜老香霧濛濛吹繡輿花雨斑斑上文褓
阿婆之年八十深

一作今

五鸞恩誥封泥金孫家郎惜寸

陰把萱酒為萱吟易搖千歲風前木難報春暉寸草心

傳道人歌

并序 一作
傳創子歌

御史沃呼允常為余道傳道人事道人字隱陽
朔人也性勇獷壯年無所用其勇遂執硃質之
役於刑部會河南有以詿誤繫請室者若干人
道人獨明其非辜不忍陷死地且加存卹未幾
赦出之皆詣道人所謝再生之年其殺人之中
又有仁義類此積勞當得九品官一旦棄去遇

異師於關陝間與之語有悟素不識書即能賦
五字詩道其所脫然者後遂入嵩山不還者十
年父兄妻子莫知其所如往今隱居洛陽三井
洞株坐不出好事者往候見之訖無一語吾子
為古詩文喜錄奇事若道人者亦一奇也且道
人約余三年後當見予洛城之東事果當以吾
子之作遺之余讀宋史知李希忠烈之助亦一
創手耳其可以五百例賤其人乎若隱陽者既

勇於敢而殺又勇於不敢而無殺脫退其役而
進道於黃冠者師非其以執術為不是而訖善
復其性者歟故為作歌一首復御史云

祈連山人天骨竒十五能運朱屠椎二十報仇許人死
殺人不數舞陽兒鄉里不能容官府不能治猛氣奚所
托仗劍歸京師京師殺柄司秋官假爾爪虎豹闕今日
尸一逆明日誅一姦朝食悖臣膽莫食凶人肝龍蛇見
血性忽改鳩隼化質身無難尋師度關陝棄家入嵩山

只今啖松久辟穀
劒埋三井飛精服
能聯彌明石鼎句
能和商顏紫芝曲
客來啟關不一語
但聞鼻息聲滿屋
烏臺御史郊金公
羣和膽落稱人雄
囊封事畢志即東
穀城丈人有前約
三井洞前尋赤松

留肅子歌

留肅子草衣儒居無室屋
出無驢十年落魄走吳下一
日奮迅遊天都自言袖有黃帝書
淮荒海盜及吳祖大臣不諱省中木
法官交譏臺上烏草衣言事不畏死
請

劍欲斬崔司徒

洪州矮張歌

洪州矮張道人術流之奇士也其術出國初李
國用國用又出於德長老不苟干貴人即見貴
人不苟佞不仁者規言之無隱推其人以占其
家及其子孫之凶慶皆奇驗若神輕財解難有
古義士之風余客西湖大禹觀而道人來寓與
余鄰時過談天下事非今之豪傑所能及也且

欲授術於予予謝未暇歌以送之

洪州矮張如矮瓠大帛深衣沒雙屨自言矮瓠不食酒
惟貯先天九宮數蚤年俠氣慕朱郭輕財屢倒千金橐
得道人疑李士寧滑稽時效東方朔雙瞳注射金蟆精
口如急雨傾建瓴卒然一語中人隱王公錯愕面發赭
烏乎王謝誤蒼生天下烏用爾寧馨居中可乏汲長孺
使邊須用蘇子卿我本先皇賜進士十年不調錢塘市
宦程那敢問雄飛國法新蒙脫胥靡西湖西南山南水

華落日清而酣畫船載酒遁名姓三尺長喙金人緘嗟
乎五鬼賊三屍讒矮瓠矮瓠無多譚

秀州相士謔

秀州相士薛氏見心者拜余笠湖上首出句曲
外史自贊一首及縹冊一帖且禪其言云持此
以見梅花道人道人技癢當為汝歌歌訖然後
乞其奇文章予為噓然大笑既為賦歌詩一解
又如其志書梅花道人傳一通俾東歸以復外

史

秀州相士薛見心重湖風雨來相見手把茅山道人詩
亦有胡僧寫東絹自云膝不拜公卿海內名人初入卷
縹綾方冊錦盤囊首錄梅花道人傳道人不讀姑布書
兩目看天走青電梅花忽露太極心南枝北枝開一遍
秀州相士亦識道一笑求心符鍊券章生不相一隻眼
桑生不相一尺面貌如削瓜帝治開背如植鰭王紫建
君不見漢家將軍如牯腰午夜臍燈照悲喧

一隻或作一隻

禽演贈丁道人

令威仙人歸故林白晝飛下天門深一千年人忽作鶴
二十八宿皆為禽俛頭垂翅聽驅使走報禍福不敢喑
南方朱鳥獻奇狀部領其屬來駸駸毛鱗羸介各異態
肖像妙合天地心翩然謝客欲高舉便恐滅迹丹霞岑
東州名山指華頂碧天倒墜青瑤簪人間華表或可擬
馭風時復來相尋

冶師行

贈緱氏子名長弓太湖中人與余鑄鍊笛者也
通文史又善鑄鐵冠如意自云將鑄湖心鏡求
余詩歌之云

湖中冶師緱長弓有如漢代陶安公七月七日與天通
朱雀飛來化青童且莫隨仙踏飛鴻道人鐵笛已在手
鐵冠八柱凌喬嵩皇帝一統誅羣凶猛士干將無所庸
還傲上青子天上裨重瞳江心火電流赤虹雲凝霧結
愁蟠龍

艾師行贈黃中子

艾師艾師古中黃肘有補注明堂方籠有歧伯神鍼之

海草

歧伯遺針於海島岸生艾草他艾十不及一

篋有軒轅洪爐之燧光

艾灼

禁木火火鏡火珠取火住

鍼窠數穴能起死一百七十銅人孔竅徒

紛戍

華陀鍼灸不過數處

三椎之下穴一雙二豎據穴名膏肓百

醫精兵攻不得火攻一策立受降金湯之固正擣穴快

矢急落如飛鷁梅花道人鐵石腸昨日二豎猶強梁明

朝道人步食強風雨晦明知陰陽老師藥券不受償何

以報之心空藏施藥勝施羊公漿會有仙人報汝玉子
成斗量

醫師行贈袁鍊師

大茅先生上天司死生每歲考按月之二日為嘉平至
今華陽有仙會會則鬼獸叫嘯丹光明上帝又閔其人
之枉死必生仙醫有如貞白者代居山中拯愚氓自從
貞白上仙去杏林剪伐橘井夷溝坑越七百歲乃有袖
雲氏弱冠學道朝天京天子問道賜爵秩師拂衣去還

山自吹鸞鵲笙不燒丹不辟穀不食日月精不役置訣
甲與丁人有奇疾弗能名鬱如病草無勾萌師一視摩
者仲瞽者覲跛者行問之無哎咀之劑鍼石之兵惟有
日兩炊飫折足鐺乃云太上親傳一管筆三軸經無憂
祖師傳至我我奉行之無足驚吾聞上古俞跗善療疾
不施湯液尚須皮毛解剥淨洗五藏腥如何三經一筆
乃爾靈人報以金擲之如瓦礫以廩售欲豈比長安清
亦何必隱居辛苦註草經嗚呼人生喜怒哀樂病易成

須髮日槁為星星使從鍊師乞漿啖火棗青華定錄共

共見茅君盈

日兩或
作日用

芝秀軒詞

東倉馬君瑞以芝秀名軒虞學士集為書其扁

李著作作孝光為之紀復求歌詩於余故為賦騷

詞四章

芝秀兮煌煌羅生兮滿堂紫雲園兮如蓋露湛湛兮沐

芳美夫人兮賢姱集靈瑞兮未央

又

芝何為兮為秀匪植以生兮匪培以茂協沖和以華滋
兮食之而壽

又

山嵯峨兮谷逶迤歌紫芝兮吹參差懷美人兮不可以
追

又

鐵之涇兮鳳之沼思公子兮善窈窕善窈窕兮樂康聊

逍遙兮歲年老

壽岩老人歌

壽岩老人者吳興欽先生德載也老人仕宋為
都督計議官宋革老人奮義兵不肯送降欵天
兵募生致其人義其言議而官之老人列其板
授言即遁隱長山之石岩石生冬青萬年之枝
老人遂號壽岩又自志以文去老人之死四十
年其孫驥出其手澤求余歌之

壽岩老人宋都督不肯新朝食周粟水晶國裏七寶山
別有天地非人間山中黃石眠怒虎圯上傳書曾有語
歸來牧羊尋赤松萬年枝上盤冬龍冬龍萬年與石鬪
老人一杯持自壽煉石未補南天孔叶空坐見瀛州生軟
紅嗚呼壽岩之人兮元不死南斗化石齊崆峒

題鐵仙人琴書真樂窩

附錄李孝
光所作也

舉世之樂無如鼓琴琴可以禁人之邪心易人之哇
淫舉世之樂莫如讀書書可以絕小人之狹邪履君

子之坦途世人為樂千種關不如我樂長可保彼有
嗜酒樂飲逢毒若酖豔妻謹虞自令身枯溺心貨殖
為盜賊積崇勢凌人鬼神斷嗔蚤官驕子疾為禍首
或世所樂自詭神仙累萬人學無一長年有樂放恣
毀除須髮捐棄父母終竟不覺有察於獄謂伴不慚
性習浸移久而泰甚凡此衆樂豈不可懷不如我樂
無患與蓄鐵仙左琴右書傳終日危坐笑以吟忽見
吾詩仰天歌鐵仙豈不大樂哉

鐵笛歌為鐵崖賦

附揚先生所作後

鐵崖道人吹鐵笛宮徵含嚼太古音一聲吹破混沌
竅一聲吹破天地心一聲吹開虎豺闥彤庭跪獻丹
宸箴問君何以得此曲妙諧律呂可以召陽而呼陰
都將春秋二百四十二年筆削手譜成透天之竅價
重雙南金掉頭玉署不肯入直入弁峰絕頂俯瞰東
溟深王綱正統著高論唾彼傳癖無書淫時人不識
我不厭會有使者徵球琳具區下漫三萬六千頃之

白銀浪洞庭上立七十二朶之青瑤岑莫邪老鐵作
龍吼丹山鳳舞江蛟吟勗哉宗彥吾所欽赤泉之盟
猶可尋更吹一聲振我清白祖大鳴盛世載賡阜財
解慍南風琴

鐵遂謠為鐵崖仙賦

附錄雲間
錢肅作也

鐵崖仙人冠鐵冠錦袍不著衣褐寬棄官流蕩山水
窟胸中奇氣蛟龍蟠手持鐵笛竅有九錚錚三尺青
琅玕吹之奇聲絕人世抑揚悲壯凌雲端鐵崖山高

高百丈片片吹落梅花寒太湖老漁狎唱清江歌仙
人側卧吹回波七十二峰翠鸞舞大雷小雷走深渦
君山弄最奇絕一聲草木摧兩聲山石裂三聲蜿蜒
躍波起四聲卷海作飛雪五聲山嶽盡動搖六聲百
鳥皆噤舌七聲吐氣成虹霓搏桑枝上金烏啼八聲
射光凝牛斗丹桂枝邊玉婉吼九聲十聲迸銀河鬼
神股慄天嗟哉河鼓輟瓊耜天孫停玉梭九重震疊
開蕩蕩帝閭驚定忘搗訶鈞天大人側耳聽口勅仙

吏旁搜羅分甘吹笛樂吾樂芒屨嬾上金鑾坡仙人
仙人鐵石腸引喉噴鐵金琅璫中通外竅直以剛鎖
鉚善鳴愁鳳皇底須截竹崑崙岡願將鐵崖壽鐵笛
後天不老凋三光

鐵崖古樂府卷六

欽定四庫全書

鐵崖古樂府卷七目錄

堠子辭

鍾藤辭

醴泉辭

冰水辭

泉蘆辭

龍虎辭

狗馬辭

鷹馬辭

鳳鏘鏘

鶴蹊蹊

五禽言

五首
并引

歸雁吟

兩鵲鳩為顏氏賦

匹鳥曲

鮫人曲

義鵠

三章并引

警鵬

三章

射鰐行

鬬雞行

殺虎行

并引

白翎鵲辭

二章

佛郎國進天馬歌

已上凡三十首皆先生涉歷世故有慨于衷

多託於鳥獸草木以起興者諷者得其旨則

勸善懲惡蓋亦不無補云復識

欽定四庫全書

鐵崖古樂府卷七

元 楊維禎 撰

堠子辭

堠子箇箇復箇箇十里五里官道課行人捷徑行不從
官道過吁嗟堠傍岐轉多堠子荆棘如銅駝

鍾藤辭

南有美木鍾藤束

叶朔

只鍾藤日肥美木削只於乎孤剛

柔惡斃之孰操斧斤為我理之

醴泉辭

醴泉兮無源靈芝兮無根如何求侯兮而欲求乎人門

冰水辭

冰水可以尋珠

商丘開

射石可以飲羽

李廣事

乃知一心之

人兮遇物而無迂

臬蘆辭

臬徙而不成鳳兮蘆種而成荻此智者之操心兮受降

同乎受敵

龍虎辭

檻足兮虎成狗燒尾兮魚作龍得勢失勢兮而以分乎

雌雄

狗馬辭

狗有烏龍兮馬有的盧的盧狗主兮烏龍食奴於乎交
之借兮無解孤之託兮無嬰吁嗟烏龍兮狗之解吁嗟
的盧兮馬之嬰

鷹馬辭

鷹使司漏馬使警偷減者守杼獲者運牛彼此職廢空
抱主憂君不見薛恭尹賞各有所兩地一易俱稱優

鳳鏘鏘

鳳鏘鏘求其鳳凰既得不復念母將不如城頭烏日日
夜夜哺母與母翔

鶴蹻蹻

鶴蹻蹻乘君軒肉救重不復戾九天不如地上雞乃得
竊藥隨飛仙

五禽言

并序

禽言無出梅都官之作予猶惜其句律佳而無
風勸之意故予製五禽言言若拙而意頗闕風
勸焉

喚起喚起東方明門前已如市上林有鳥殺司晨苦殺
蕭娘睡方美

又

提胡盧提胡盧沽酒何處沽烏程與若下美酒高無價

小姑典金釵勸郎醉即罷君不見城中官長壺盧提十
日九日醉如泥

又

姑惡姑惡姑不惡妾命苦姑有孝女姑為慈母妾亦甘
為東海婦

又

子歸子歸子不歸白頭阿婆慈且悲子弗歸待何時君
不見西江處士章九華十年去赴丘園科母死妻啼未

還家

又

行不得哥哥我不行奈我何
西山有豺虎西江有風波
風波尚可壺豺虎尚可羅
努兒關平地多行不得哥哥
歸雁吟

江南荷葉黃見爾來江鄉
江南春水暖歸路同天遠
春復秋秋復春南來北往多
苦辛漚為友鷺為鄰他山鷓
鴒好結婚只往江南生子孫

兩鶉鴝為顏氏婦賦

兩鶉鴝朝朝算算啼不休天陰婦棄去雨止還相求天
公陰晴變不測嗟爾夫婦難為速勃勃水西頭啼過東
家樓東家樓前琅玕樹枝枝連理森相樛無風無雨春
正好願爾長作鴛鴦儔莫效前身鷹隼仇

匹鳥曲

建章宮中匹瓦飛太液浮起雙紅衣文塘小徑迎春歸
春紅蓮葉春猗猗金丸嬌郎故驚起白頭雙飛誓雙死

上林雁婦忍流離九疑依依天萬里長干沙頭人望夫
願託錦翎西江書結生不作白頭伴結死須作青陵烏

鮫人曲

鮫人居錢塘湖自從劍客過湖去世人不識真仙儒靈
丹擲湖水湖水清如酤江妃惜不得貯在明月壺鮫人
夜飲明月腴夜光化作眼中珠手擎蓮葉盤一株盤中
走珠汞不如世人無僊意波心蕩漾青頭鳬烹龍炮鳳
日日千金厨何以洒君心熱寧君軀洒君熱寧君軀須

飲鮫人明月珠

義鵠三章

并序

予讀康里相家義鵠志為之喟曰嗟乎通文史
如衛仲道妻而有不鵠如者彼忍於不義不忍
於死爾輩爾鵠非有倫理之教詔也又豈識有
一醺終身之義乎而托以死答所配非其所惡
有甚於死者乎於乎人之所以異於禽獸者義
爾而義反滅之則物性反優於人乎嘻吾不知

之矣抑予聞鵠之不止義也養其子也鴈鵠之
仁其託書也鴻雁之信爰賦三章以補前人之

缺云

肅肅兮飛奴好爾匹兮哺爾雛吁嗟爾德兮均慈愛於
鴈鵠

右一章

肅肅兮飛奴離爾儔兮別爾家叶吁嗟爾勞兮比鴻雁

兮將書

右二章

肅肅兮飛奴歟相失兮婦夫死者兮已矣生誰適兮與
娛朝不粒兮無與呼莫不室兮無與居豈無他儷兮我
儷不如閔七日以死兮矢一節而弗渝吁嗟爾烈兮繼
比興乎闕睢

右三章

警鵬三章

吁嗟乎鵬來兮汝趾不介兮臂不翎橫口堅齒長眉目

今曾不鉤吻而金睛胡為肆攫搏兮勇憑陵稱人類兮
負鳥名吁嗟鵬兮反已靈庠序汝鄉兮衣冠汝朋

又

橫翔傍舞兮羣笑以踟陰窺狙伺兮風草動搖嗟爾醜
兮不可以招讐一獮兮將汝臬上或悟兮下或憐隔截
鸞鵠兮愁青霄吁嗟鵬兮逞爾豪擊剛者急兮與爾乎
同遨

又

貞柏蒼蒼兮烏府初霜寒氣襲襲兮卑鵬在傍匪汝朋
比兮伏陰紆陽扶豎正直兮不如吐其柔剛鸞鳳遠舉
兮梟獍云亡吁嗟鵬兮不改行收汝族兮礫以穰

此先生在天台喻其豪民未率化之作也今
其人有更名改過求自列於善民以一洗舊
日赤書其門之醜故曰詩可諷也

射隳行

草枯燎發原野赤老隳憤起千軍敵將軍名號已而思

虎名白羽慣數黃狼肋老羅決石如怒猊將軍立馬攢霜
蹄滿弓一射正貫脾馬前突立人而啼南山白額當道
卧東西之人不敢過少年匹馬隨譟呼從渠生拔白額
須剗白額作飯器坐令泰山之婦歌好世

鬪雞行

兩雄勇銳誇匹敵老距當場利如戟毳毼毳毼刺張
怒咽硯礪嗔睛碧劍心一動碎花冠口血相汚膠綵翼
何當罷鬪作啼聲埭上梨花春露滴

殺虎行

劉平妻胡氏從平戍零陽平為虎擒胡殺虎爭
夫千載義烈有足歌者猶恨時之士大夫其作
未雄故為賦是章

夫從軍妾從主夢魂猶痛刀箭瘢况乃全軀飼豺虎拔
刀誓天天為怒眼中於菟小於鼠血號虎鬼冤魂語精
光夜貫新阡土可憐三世不復仇泰山之婦何足數

白翎鵲辭

二章

按國史脫必禪曰世皇畋于林柳聞婦哭甚哀
明日白翎鵲飛集幹朶上其聲類哭婦上感之
因令侍臣製白翎鵲詞鵲能制猛獸尤善禽駕
鵲者也舊詞未古為作白翎鵲詞二章以補我
朝樂府

白翎鵲西極來

叶

金為冠玉為衣百鳥見之不敢飛雄

狐猛虎愁神機先帝親手鞬重爾西方奇海東之青汝
何為下攫草間雉兔肥奈爾猛虎雄狐狸

又

白翎鵲來西極地從翼旋山目側邊風勁氣勁折膠材
官猛箭與之敵黃狼紫兔不餘力須臾白雪輕一舉千
仞直駕鸞洒血當空擲金頭玉頸高十尺千秋萬歲逢
玉食

佛郎國進天馬歌

天馬歌本古樂府車馬六曲之一也漢郊祀樂
歌亦有之然漢之得天馬或出於漢貳師將軍

之伐宛非德徠之維我有元至正聖人德被西
裔而佛郎馬來宜作歌章光贊樂府故作此歌
龍德中元氣昌天王一統開八荒十又一葉治久長前
年白雉來越裳中國聖明日重光仁聲馭沓動嘉祥烏
桓部族號佛郎實生天馬龍文章玉臺啟閭闔張願為
蒼龍載東皇瑤池八駿若有亡白雲謠曲成荒唐有元
皇帝不下堂瑤母萬壽來稱觴屬車九九和鸞鏘大駕
或駐和林鄉後車獵侯非陳倉帝乘白馬撫八方調風

雨和陰陽泰階砥平玉燭明太平有典郊樂敷尚見榮
河出圖像麒麟鳳鳥紛來翔

鐵崖古樂府卷七

欽定四庫全書

鐵崖古樂府卷八目錄

覽古

四十二首

欽定四庫全書

鐵崖古樂府卷八

元 楊維禎 撰

覽古

晉師納天王大義白日披尹固附孽子奉籍奔蠻夷道
逢秋郊婦三歲爾大期三年尹固死婦言如著龜

又

出姜哭過市呼天天實聞市人皆涕下魯賊當誰分出

姜不

闕

魯麟筆誅其君

又

秦穆飲盜馬楚莊忘絕纓齊景息一木觸槐有淫刑靖
女告齊相稱說辯且正明朝拔槐令靖婦脫因名

又

單父七絃琴為治務感興十金南門木立令務必行單
父有成效夜漁若嚴刑南門能徙木不能徙民情以此
知巧信不如拙而誠

又

韓厥戮趙僕不以私害公後人援此義往往為逢蒙曲
逆不背本事主可移忠偉哉劉公論呂布真難容

又

應侯刻薄人須買得無死飛將殺霸陵狼狽不足齒如
何畫眉郎五日殺掾史

又

齊相善求治議論人人殊蓋翁本黃老一語蓋有餘諸
儒不足聽醉吏自足呼醉吏獄不擾諸儒多訴狙

又

恭儉漢天子取士忌少年未應絳灌徒廷中肯妨賢徒
為宣室召復有長沙邈不見馮都尉唐龐眉竟誰憐

又

田叔作魯相王不敢遊田痛愧取民物償以中府錢漢
人重長者長者豈非賢

又

任安與田仁同仕將軍門廝養惡齒馬實坐貧失身發

憤騎奴席拔刃徒自分不會趙少府何時別奴羣乃知
聖賢仕端不與賤貧

又

郭解本大俠睚眦殺人威當其出邑屋獨不殺倨夷屬
吏脫踐更卒感肉袒來此事實近道可以俠少之

又

漢廷古遺直免官歸田園已聞御史奏嚴李有飛言

嚴助

李矯制獨無罪加冠禮終存誰謂淮陽召淮陽為寡恩

又

出關棄繻子南征笑狂生左右無黃髮淫夫挾之行戮
殺漢使者君臣起大兵尉他羈漢綬何曾請長纓

又

成都賣卜士大易先天心弟子一區宅桑榆有餘陰何
為天祿閣忘身幾陸沈門前載酒者奇字時相尋為謝
門前客從今傳酒箴

又

子陵江海客本非沮溺倫仁義立奇論豈果忘吾民狂
奴作故態飄然歸富春客星犯帝座太史奏天文故人
信符讖三公等浮雲

又

武丁夢良弼審象極冥搜光武思故人物色在羊裘彭
城有處士君恩賁林丘股肱不為用顏色徒相求

又

董卓劫慈明

荀爽

次以及伯喈

蔡邕

子龍獨何人

申屠蟠

談笑

却嗟嗟高視梁碣上片雲卷而懷古來高世士塵埃豈
能埋

又

襄陽有高士生產不曾治何以遺妻子鹿門有深期籍
籍齒牙論龍鳳名諸兒諸葛拜床下可是圯橋師

又

孔公薦一鶚義烈爭秋霜矢心報知己討賊尊天王漁
陽摻英憤夫豈病悖狂營門三尺稅音脫殺氣披攬搶

又

會稽嵇叔夜才氣浩不羣平生癖於鍛餘好在琴尊不
如一長嘯攜琴學蘇門可憐廣陵散奇弄今無聞

又

汝南許文休喪亂一驚士敢當諸葛拜合受玄德鄙士
論推指南無乃失減否乃知郡公曹排擯有公是

又

知子石司徒分材靳齊奴諸仲財不如財窮東市誅吁

嗟石司徒知子良不愚

又

洛陽輕薄子挾彈走春嬉
結交金谷友諂事賈午兒
蔑棄慈母訓乾沒不知幾
感已賦閒居猶以拙自悲

又

彈琴戴安道焦桐破奇聲
尉宗與文季俱以琴自鳴
天子不得屈王公不能聆
獨怜褚司徒銀柱老齊伶

又

我愛王懷祖面壁售人罵不比少掾時瞋目荅米價褊
中頗有容坦之詎能過桓桓大將軍漢業在出胯

又

青青五柳宅貧無三徑資去叅建威幕為貧良亦非彭
澤八十日胡為遽來歸乃知決然逝非為鄉里兒首惡
王休元酒亦無所辭華軒欲載我我心詎能違

又

王湛蓄深器世人不能窺大慧實若愚人遂以為癡可

憐濟父子同門不識之何況隔千里而欲求人知

又

義之在東牀風操夙所稱藍田譽轉重胡乃意不平出
弔曲在我反惡固其情以此悻悻死無異匹婦輕

又

韓信卜母地旁置萬人廬郭公卜隣水長洲偶成墟千
秋楊子寔投棄同江魚裸髮何為者厭魅開蘆蓀孰借
神丁火焚却青囊書

又

郭磨精術數知晉必亡秦逃秦遠歸晉追兵殺亡臣洛陽牛背史讀書孝其親涼州未經破先歸忽如神術人不靈已哲士固全身

又

騷雅去已久宮體爭哇淫洛陽風一變枳性隨人心鄉

關思蕭瑟作賦哀江南

叶任

調入金釵臂亡國有餘音

又

嘗疑王孝子素履朴且莊門生服縣役徑行想不揚孝子躬饁具磬折在道傍門生役已脫詭道由此行

又

鄭州跛男子

婁師德

識者惟客師

素客師

深沈有客量不為

同列知唾而戒其弟俛世一何卑君看白水澗沫額宣
駑資

又

世疑狄文惠不知婁師德婁公吾不賢此意人未識古

來嫌忌間吾道憂比迹

又

開元劉神童名字瑞一時文學不濟世鞭算競刀錐招
權啖士口使不得有些任數不任道興利固如斯

又

小兒賀季真棄官亦棄宅遠謁王道者去問術黃白何
物袖中藏去道萬里隔

又

嚴家兒八歲殺父姪嚴家父稱奇養成虎豺惡腐儒弄
虎鬚嗟吁豺虎天早斃七十慈親免官婢

又

姚家有裨將腰佩雙青萍青萍夜脫匣忽殺程務盈為
書報殺狀伏劍隨自刑吁嗟古義士豈復數荆卿

又

厚施而薄望郭解愧朱家大唐郭氏子

元振

手劍寒奸邪

賻金四十萬主名不知夸結客豪俠場此客實無加

又

昨日滿頭花堂上爭春妍今朝大風起花落玉津園舊
地易淮陝取馘諧戎門可憐於期首不謝永州魂

又

東人送降欵西人納降城長沙李太守誓死城不盟高
樓一舉火老穉同焦冥

又

要離熱妻子大盜空古名我我南文山光焰日月青婦

義終一醺臣道無改更寧戴一天死不載二地生尚憐
廣西弟有愧顏家兄

鐵崖古樂府卷八

欽定四庫全書

鐵崖古樂府卷九目錄

城門曲

燧燧曲

關山月

飲馬窟

劍客篇

俠客詞

放麕詞

牧羝曲

摘瓜詞

桑陰曲

貞婦詞

朱厓令女

旦已圖

三閭詞

四首

雌雄曲

連理枝

朱郎曲

高樓曲

玉蹄騶

珊瑚鞭

浣女詞

績婦詞

織婦曲

商婦詞

二首

清塘曲

春波曲

采蓮曲

二首

楊柳詞

二首

寄春曲

賭春曲

玉鏡臺

回文字

生合歡

纜船石

望鄉臺

乞功詞

聞雁篇

繫馬辭

買妾言

續絃言

歸客誤

二首

自君之出矣

二首

吳子夜四時歌

屈婦詞

新來子

同宮子

陽臺曲

蘇臺曲

邯鄲道

昭陽曲

團扇歌

白頭吟

銅雀曲

綠珠辭

焦仲卿妻

小臨海曲
十首

桂水五千里
四首

已上凡八十首為古樂府小體間有串史斷

於比興者尤古詩人之難也國風好色而不
淫小雅怨誹而不亂魚之者此詩有焉復識

欽定四庫全書

鐵崖古樂府卷九

元 楊維禎 撰

城門曲

謀報越王兵城門夜不扃孤臣晴不死門月照人青

烽燧曲

聞道驪山下西戎已結兵美人方一笑烽火不須驚

關山月

月出關山頂將軍鼓角悲漢皇今夜宴影落素城池

飲馬窟

長城飲馬窟飲馬還驚寧知嗚咽水猶作寶刀鳴

劍客篇

昨夜征西去西兵盡倒戈丈夫學劍術何用效荆軻

俠客詞

未許同交死全身報國仇太阿飛出匣欲取賈充頭

放麋詞

母麋急麋子獵父視如傷太子奔城父千秋憶奮揚

牧羝曲

老羝何日乳歸雁忽能言不逐虞常死丁零尚有恩

摘瓜詞

黃臺八瓜熟瓜熟徙縣縣惟有大瓜好狐來瓜已穿

桑陰曲

妾自夫君戍桑陰路不通將軍哮似虎少婦竊秦宮

貞婦詞

皎日常持信倉皇不改真君王符不到水長漸臺傾

朱厓令女

關朱爭兩死兩死獨誰當
關吏不垂泣青天應雨霜

姐已圖

小白竿頭血新圖入漢庭
宮中雙燕子齊作北雞鳴

三閤詞

江南龍虎氣樓閣照金銀
望見長安道不知塵汙人

又

璧月幾時缺玉枝幾時枯
閣中連理伴夜咲素娥孤

又

昨夜韓擒虎將軍奏凱回井中人不死重帶美人來

又

脂塘乾辱水壁月破清秋五佞誅新國江郎尚黑頭

雌雄曲

妾夫曉出塞妾夜馳孤忠誓作干將劍一死雙雌雄

連理枝

主家連理木昨夜一枝零野藤沿別樹相託萬年青

朱郎曲

朱郎連雲起高覺陰大遠要賢能置驛獨覓鄭當時

高樓曲

高樓有獨婦白晝彈空桑門前誰下馬不是五樓倡

玉蹄騶

銀腦玉蹄騶金鞭問妾家窻開桃葉渡小艇在荷花

珊瑚鞭

儂出青桑下郎來淶水邊相看成自語馬脫珊瑚鞭

浣女詞

處女溪邊浣使君溪上遊使君來乞飲瓢棄在沙頭

績婦詞

蟋蟀入秋堂青缸夜未央李吾今夜惡東壁滅餘光

織婦曲

此曲暗用晉謝幼輿折齒事

盈盈白面娥新絲織扇羅當機不應客擲地碎金梭

商婦詞

蕩蕩發航船千里復萬里願持金剪刀去剪西流水

又

卽去愁風水卽歸惜歲華吳船如屋裏南北共浮家

清塘曲

相值清塘道儂家似沫鄉清塘無限好相約采芳唐

春波曲

家住春波上春深未得歸桃花新水長應沒浣花磯

采蓮曲

東湖采蓮葉西湖采蓮花一花與一葉持寄阿侯家

又

同生願同死死葬清冷洼下作鎖子藕上作雙頭華

楊柳詞

楊柳董家橋驚黃萬萬條行人莫到此春色易相撩

又

長條一丈長長似紫絲韁長條輓易斷五馬過橫塘

寄春曲

春從天上來幾日到章臺
馮語青青柳飛花莫浪催

賭春曲

關草歸來後開筵又賭春
堦前撒珠戲獨是得雙人

玉鏡臺

郎贈玉鏡臺妾掛菱花盤
安得咸陽鏡照郎心肺肝

回文字

芳題工織素遠意重絞綃
應識辭家久回文字半消

生合歡

朝作生合歡莫作生離泣安得並蒂堅堅似七姑汁

纜船石

江邊纜舟石纜解不留痕長恨蕪萍草難同結縷根

望鄉臺

望鄉臺上客秋至望鄉關中原遮望眼可奈燕支山

乞巧詞

天上星重會征西客未歸殷勤乞方便靈鵲度人飛

聞雁篇

樓頭聞過雁，隻影不成雙。一夜狂夫夢，相隨到九江。

繫馬辭

誰繫西枝馬，馬嘶花亂飛。亂飛渾自可，莫遣折花枝。

買妾言

買妾千黃金，許身不許心。使君聞有婦，夜夜白頭吟。

續絃言

磨角煮為膠，續絃絃在弓。誓將絃上箭，不射孤飛鴻。

歸客誤

夜聞歸客騎玉轡鳴匝唳喚婦開西窓秋風響桐葉

又

江頭初一潮還從午時起奈何蕩子心相期不如水

自君之出矣

自君之出矣燕去復燕歸思君如荔帶日日抱君衣

又

自君之出矣草青復草黃思君如魚鱗日日守君房

吳子夜四時歌

效劉琨
體作

麴塵波欲動紅心草已生朝來夾城道流車如水行

又

睡起珊瑚枕微風度屨廊夫容最高葉翻水洗鴛鴦

又

秋風吹羅帷玉郎思寄衣多情雙絡緯啼近妾寒機

又

樺烟噓席暖不知寒漏長朝來玉壺冰為君添衣裳

屈婦詞

又名北郭詞

瓜田不納履北郭招讒汙覆釜重開日宮中殺破胡

新來子

君王有隱疾揜鼻即生嗔何處新來子樊姬不妒人

同宮子

同宮一相見不用畫蛾眉井上芙蓉怨江蓮共一時

陽臺曲

月落望夫山高臺十二鬟楚宮多妬女雲雨夢中還

蘇臺曲

吳王張高宴臺下閱犀兵高臺三百里不見越王城

邯鄲道

忽見邯鄲道千秋萬歲哀君王金不惜應築望鄉臺

昭陽曲

美人初睡起內史報蘭湯散盡黃金餅無尋赤鳳皇

團扇歌

團扇復團扇秋風不相見隱顯各有時陽阿舞雙燕

白頭吟

長夜白頭吟新絲理故琴莫將一日意誤結百年心

銅雀曲

帳中歌吹作玉座翠簾曠西陵迷望眼日暮起浮雲

綠珠辭

井底生明月樓頭墜寶星年年金谷草春入美人青

焦仲卿妻

生為仲卿婦死與仲卿齊廬江同樹鳥不過別枝啼

小臨海曲

一名洞庭曲

日落洞庭波吳娃蕩漿過道人吹簫笛風浪夜來多

又

道人鐵笛響半入洞庭山天風將一半吹度白銀灣

又

仙橘大如斗浮之過洞庭江妃渾未識喚作楚王萍

又

海客報奇事青天火甕飛明朝雷澤底新有落星磯

又

網得珊瑚樹移栽瑪瑙盆夜來風雨橫龍氣上珠根

又

海上雙雷島渾如灩澦堆乖龍拔山脚飛渡海門來

又

潮來神樹沒潮歸神樹青雲裏天妃過龍旗帶雨腥

又

客入毛公洞洞深人不還明年探禹穴相見會稽山

又

太液象圓海金蓮夜夜開水中萬年月照見昆明灰

又

秦峰望東海雲氣常飄飄桑田明日事奚用石為橋

桂水五千里

桂水五千里春來波浪深地消青草瘴花發乳蕉林

又

桂水五千里瀟湘雨氣空衡山七十二望見女英峰

又

桂水五千里南風大府開象王新貢入鮫女送珠來

又

桂水五千里上有鸚鵡洲美人生遠思今夜在南樓

鐵崖古樂府卷九

欽定四庫全書

鐵崖古樂府卷十目錄

西湖竹枝歌

九首

吳下竹枝歌

七首

春情

二首

漫興

七首

冶春口號

七首

漫成

五首

春俠雜詞

十首

燕子辭

四首

小遊仙

二十首

海鄉竹枝歌

四首

欽定四庫全書

鐵崖古樂府卷十

元 楊維禎 撰

西湖竹枝歌

蘇小門前花滿株
蘇公堤上女當壚
南官北使須到此
江南西湖天下無

又

鹿頭湖船唱艖郎
船頭不宿野鴛鴦
為郎歌舞為郎死
不惜真珠成斗量

又

家住城西新婦磯
勸君不唱縷金衣
琵琶元是韓朋木
彈得鴛鴦一處飛

又

勸郎莫上南高峰
勸我莫上北高峰
南高峰雲北高雨
雲雨相催愁殺儂

又

湖口樓船湖日陰
湖中斷橋湖水深
樓船無柁是郎意

斷橋有柱是儂心

又

病春日日可如何起向西窓理琵琶見說枯槽能卜命
柳州街口問來婆

又

小小渡船如缺瓜船中少婦竹枝歌歌聲唱入空侯調
不遣狂夫橫渡河

又

石新婦下水連空飛來峰前山萬重妾死甘為石新婦

望郎忽似飛來峰

石新婦即秦皇觀石是也

又

望郎一朝又一朝信郎信似浙江潮牀脚搯龜有時爛

臂上守宮無日消

吳下竹枝歌

三箸春深草色齊花間蕩漾勝耶溪採菱三五唱歌去

五馬行春駐大堤

又

家住越來溪上頭
鰼脂塘裏木蘭舟
木蘭風起飛花急
只逐越來溪上流

又

寶帶橋西江水重
寄郎書去未回儂
莫令錯送回文錦
不答鴛鴦字半封

又

馬上郎君雙結椎
百花洲下買花枝
罌罌冠子高一尺

能唱黃鶯舞雁兒

又

白翎鵲操手雙彈舞罷胡笳十八般銀馬杓中勸郎酒
看郎色似赤瑛盤

又

騎馬當軒鵲觜靴西風馬上鼓琵琶內家隊裏新通籍
不是南州百姓家

又

小娃十歲唱桑中盡道吳風似鄭風不信柳娘身不嫁
真珠長絡守宮紅

春情

惜春正是上春時何處春情可賦詩吳王臺下鬪芳草
蘇小門前歌柳枝

又

灼灼桃花朱戶底青青梅子粉牆頭
蹋歌起自春來日直至春歸唱不休

漫興

醴畫溪頭翠水家
水邊短竹夾桃花
春風嗾人狂無那
走覓南隣羯鼓撾

又

丈人接離白蘊栽
花邊下馬不驚猜
環沈溪頭買酒去
高堂寺裏看碑來

又

長城女兒雙結了
陳皇宅前第一家
生來不識古井怨

唱得後主後庭花

又

楊花白日繇初迸梅子青青核未生
大婦當壚冠似瓠
小姑吃酒口如櫻

又

今朝天氣清明好江上亂花無數開
野老殷勤送花至
一雙蝴蝶趁人來

又

南隣酒伴辱相呼共訪城東舊酒壚
柳下秋千間絡索花間喚起勸胡盧

又

我愛東湖舊廣文更過水口覓將軍
醉歸常騎廣文馬不怕打鼓噤黃昏

冶春口號

寄崑山袁郭
呂三才士

今年臘底無殘雪却是年前十日春
騎馬行春橋上路密梅花發便撩人

又

吳下逢春春思濃
不堪花發館娃宮
吳山青青吳水白
愁殺江南盛小叢

又

見說崑田生玉子
海西還有小崑崙
明朝去拔珊瑚樹
龍氣隨飛過海門

又

鮫卵魚斤傳海上
海人一尺立階前
婁江馬頭天下少

春水如天即放船

又

南朝宮體袁才子更說西崑郭孝廉自是玉臺新句好
風流無復數香奩

又

湖上女兒柳葉眉春來能唱黃鶯兒不知却是青娘子
飛傍枇杷索荔枝

又

西樓美人不受呼清箏一曲似羅敷可無東廐五花馬

去博西樓一斛珠

一斛珠
妓名也

漫成

四十已過五十來白日一半夜相催勸君秉燭須秉燭

七十光陰能幾回

一本云勸君
有酒須秉燭

又

西隣昨夜哭暴卒東家今日悲免官今日不知來日事

人生可放酒杯乾

一作
莫放

又

徐家園裏野鶯啼
張家樓頭客燕棲
千金買宅作郵傳
何處高垣大字題

又

鐵笛道人已倦遊
算年懶上玉墀頭
只欲浮家若雲上
小娃子夜唱湖州

又

小娃家住白蘋洲
只唱舍郎如莫愁
風波不到鴛鴦浦

承恩曷用沙棠舟

舍郎一作叔郎

春俠雜詞

金丸脫手彈鸚鵡
玉鞭嬉笑擊珊瑚
侍兒無賴有如此
知是霍家馮子都

又

花袍白面呼郎神
當堦奪花不避人
天馬乘龍金絡腦
賈家貴壻正嬌春

又

柘林縱獵金毛鷹
花街行春銀面馬
夜宿倡樓酒未醒
飄風吹落鴛鴦瓦

又

朱提注酒酒如池
太白淋漓吃不辭
上樓更衣玉山倒
腰間帶脫金犀毗

又

蜀琴初奏雙鴛鴦
嶰竹和鳴雙鳳皇
夜闌酒散不上馬
紫荊月墮西家牆

又

石上葉生青鳳尾
堦前花開黃鵠觜
美人弄水百花池
水洒花枝雙蝶起

又

宜男草生小院西
堦前錦石與人齊
錢塘潮生當午信
丹雞飛上上頭啼

又

鳳皇城外橫門道
小妓軍裝金線襖
春暉無賴苦撩人

自下雕鞍蹋芳草

又

西江美人久不見
手把新題合歡扇
鯉書憑送相思書
霸王門前水如箭

又

美人遺我崑溪竹
未寫雌雄雙鳳曲
愛惜長竿繫釣緡
釣得江西雙比目

燕子辭

宜男草生春又歸美人春病減腰圍何如使君堂前燕
將得春雛入幙飛

又

燕子將雛春又深不堪春思似秋心東郊春入車前草
蕩子馬蹄何處尋

又

燕子來時春雨香燕子去時秋雨涼鴛鴦一生不作客
夜夜不離雙井塘

又

燕子樓頭入妾家
燕來燕去惜容華
祇應韓重相思骨
化作湖中並蒂花

小遊仙

元君賜覲素華臺
酒飲龍胎五色醅
醉啖蟠桃三百顆
手懷遺核大如杯

又

女郎雙雙白玉牀
對博宛在橘中央
青城不取態盈襪

閒賭蕭家雙鳳皇

又

東華塵又起瀛洲十屋今添第幾籌
阿母西來騎白鳳
蛾眉相見不勝秋

又

素華殿上玉垂簾
羿家婦來為可嫌
河上劍翁肝膽露
電光一道落妖蟾

又

麻姑今夜過青丘玉醴催斟白玉舟莫向外人矜指爪
酒酣為我擘瑩篸

又

蓮華舟高河漢垂黃姑玉女會佳期玉清久入衙城洞
莫遣成都賣卜知

又

道人得道輕骨毛飛渡弱水能千遭明朝挾至兩浮島
卧看滄洲戲六鰲

又

青丘書隨雷電亡尚作草木蟲魚荒問渠甲子不能紀
但指綠睛雙眼方

又

天上葭常宮又成文章只數老玄卿五雲閣吏亦謫世
牛鬼少年專盛名

又

別來已及三百秋遊遍乾坤第十洲不識人家今幾世

明朝騎鶴過山頭

又

日落海門吹鳳匏須臾海水沸如炮船頭處女來相喚
知是洞庭千歲蛟

又

青玉參差嶰管裁琯中吹得鳳皇來羸家樓頭縹緲女
底用蕭郎築鳳臺

又

賣藥相逢千歲公蓬萊曾約祖龍東空留一兩黃金舄
不到蓬萊第一宮

又

曾與毛劉共學丹丹成猶未了情緣玉皇勅賜西湖水
長作西湖月水仙

又

西湖仙人蓮葉舟又見石山移海流老龍卷水青天去
小朶蓮花共上遊

又

當時笑我去學仙
汝但求金與求田
不知昨夜城頭鶴
問此無人識墓阡

又

青旌節衛翠雲輶
按部東行過赤城
龍女遺珠雞卵大
結為雙佩賜方平

又

若木西來赤岬東
白金城關碧珠宮
天家令急不敢住

折得五花歸餉龍

又

東逾弱水赤流深夜得桃都
息羽旌地底日迴天上去
金雞如鳳自交鳴

又

金鷲蕊生瑤水陰錦駝鳥鳴珠樹林
上皇勅賜龍色酒
天樂五雲流玉音

海鄉竹枝歌

潮來潮退白洋沙白洋女兒把耬耙苦海熬乾是何日
免得儂來爬雪沙

又

門前海圻到竹籬堦前腥臊蚘子肥強孖三歲未識父
郎在海東何日歸

又

海頭風吹楊白花海頭女兒楊白歌楊花滿頭作鹽舞
不與斤兩添銅鉞

又

顏面似墨雙脚頰當官脫袴受黃荆生女寧當嫁盤飴
誓莫近嫁東家亭



鐵崖古樂府卷十